

OL TOKTOK I PAUL NABAUT:

# PAPUA NIUGINI I MAS WAN KANTRI O NOGAT ?



*Ol Papua  
I Tok  
Wanem ?*



*Ol Niugini  
I Tok  
Wanem ?*

*lukim pes 6*



Namba 22 Trinde, May 16, 1971 Prais 10¢



Tupela Papua hia, tupela i wankantri bilong yumi o nogat?

# PAS I KAM LONG EDITA

Sapos yu gat tok yu raitim sotpela tasol. Sapos yu raitim longpela bai mipela i sotim. Yu mas raitim nem bilong yu tru long olgeta pas i kam long mipela. Sapos yu no laik mipela prinim nem bilong yu tru, orait yu raitim arapela nem bilong yu tu.

## Kas Bilong Tisa

Dia Edita.-Hia mi laik toktok long sampela kain pasin bilong ol man. Sampela man i no save wanem samting tru tisa. Tisa i bikpela tok tru laka? Sapos i no gat tisa, yumi olsem wanem? Yu ken rait olsem wanem? Yu ken ritim nius olsem wanem?

Maski sapos yu husat man nau yu save rit na rait, na kirap na bikmaus antap long ol tisa. Yu mas sem tru. Dispela i longlong pasin tasol. Tingim dispela nem tisa. I nem bilong dispela tisa i skulim yu bipo tru?

I mobeta kolim stret nem bilong man hia yu gat belhat long em laka? Kolim stret Thomas o Maria o nem stret bilong papa bilong em. Maski kolim tisa laka?

Sampela manmeri i tok mi baim takis long skul pikinini bilong wanem? Tru, tasol bilong wanem bodi bilong man i laikim kaikai na wara? Man i save kisim gutpela kaikai, i dringim klinpela wara bai bodi bilong em i heliti o no gat sik, Yu ting wanem?

Sapos skul i no gat takis bilong em, bai pikinini i kisim samting bilong rit na rait na pilai olsem wanem? Na lainim gut save olsem wanem?

Papamama, maski kranki tingting, yu lukim pinis na yu harim pinis: Papua Niugini i yangpela man pinis a? Yu kirap yu no sindaun. Stretim rot bilong dispela yangpela man Papua Niugini.

Nick Hipomson  
Manus

## Yesa Long Pisin

Dia Edita.- Mi bilong katolik misin Silanga, West Nu Briten. Long Wantok namba 19 mi ritim leta bilong Lavuk Remp. Em i tok, em na ol pipel bilong em i les long lotu long tok pisin, na ol i laik lotu long latin. Ating tingting olsem hia i no stret. Wanem, husat man hia long Teritori i save tok latin? Yumi olgeta i no save. Tok Latin i no tokples bilong yumi Niugini. Tok pisin i tok ples yu na mi olgeta man i save. Orait, i moagut yumi mas lotu long en long misa. Long

olgeta kantri ol pipel i save lotu long tok ples bilong ol yet, orait yumi tu mas mekim olsem. Yu ting bai mi amamas sapos ol i tok bai mi lotu long tok Saina o Japan? Nogat tru, olsem tu long latin.

Sapos yumi go long lotu o misa bilong harim latin na lukim pater i mekim misa, mi ting i olsem yumi go lukim konset o kwaia o piksa. Misa i no pilai, bilong mekim yumi amamas na i no bilong pater tasol. Misa i taim yumi wantaim pater i beten o lotu na i gut yumi misa long tok ples bilong yumi yet bai yumi ken save long samting yumi toktok long en.

Peter Rapa. Hoskins

## Australia Rait Long Mipela

Dia Edita.-Planti manmeri long Australia i tokim mi, i spik: "Watpo olgeta manmeri bilong Yangoru i bihainim rot bilong kago? Watpo ol i laik bagarapim gaden? Watpo tupela, Aliwan na Hawina, i laik katim nek? Ating olgeta manmeri bilong Yangoru i longlong a? Nau mi gat sem long ol dispela toktok. Pastaim mi tisa bilong Banz. Mi laikim tumas pipel bilong Niugini.

Ating Jisas Kraist em

i God bilong waitman tasol a? Nogat! Em i God bilong blakman na olgeta kain pipel. Ol kristen bilong Niugini ol i mas telimautim gutnius bilong Kraist. Rot tru bilong kago em i rot bilong hatwok na bilong bihainim pasin bilong Jisas Kraist. Kraist em i namba wan. Kraist em i God. Kraist indai pinis long olgeta manmeri bilong Yangoru.

Bruder L.C. Francis  
Geelong, Australia

## Kros Long Tisa

Dia Edita.- Mi wanpela skulboi bilong Sigon. Mi save lukim wanpela pasin nogut sampela tisa bilong mipela i save mekim insait long haus lotu.

Olgeta taim mipela i go long lotu long moning ol i no lus long pilai insait long haus lotu. Ol dispela tisa i save tok long ol stendet 6 sumatin olsem: yupela i no ken soim pasin nogut long ol liklik pikinini. Ol i no bihainim dispela rul ol i tokim mipela. Nogat. Ol i toktok tasol long maus.

Mi kolim dispela man em i praod man. Watpo em i bagarapim haus bilong Jisas wantaim papa bilong em? Yu ting yu antap long olgeta man? Nogat tru. Yu mas tingting

pastaim bihain yu tok. No ken mauswara tasol.

A.K. Terry.  
Bougainville

## Baim Ol Pater

Dia Edita.- Mi harim ol waitman i save mekim wanpela pasin i namba wan tru. Gayman long sampela kantri i baim ol pater long mun inap long \$50. dola o moa. Bilong wanem? Ol i gat bikpela save, na ol i no mekim bisnis long ol. Ol i helpim ol gutpela man na man nogut. Lainim tok bilong God long ol. Olsem na gayman i peim ol long baim kaikai, o klos o baim arapela samting long bodi bilong ol.

Mi save sori liklik bikos yumi long Niugini i no save long ol misin.

Ol i helpim husat? Ol i mekim wanem kain pasin? Yupela ol man bilong Niugini mipela i makim yupela ol kaunsil, na komiti, na memba bilong Haus Asembli. Yupela i opim ai na yau bilong yupela na lukim gut ol wok bilong misin.

Mipela i tromoim takis long gavman, na em i mekim wok olsem wokim rot, na bris, na haus sik, na haus kaunsil, na skul. Ol misin i gat tisa koles, na haiskul, na praimer skul, na haus sik, na haus lotu, na baim ol tisa na katekis. Ol i kisim mani we? Ol i gat hamas bisnis? Nogat tru. Ol papamama na ol pren bilong ol tasol i helpim ol long mani. Plis yu husat man yu ritim leta bilong mi, yu tokim ol kaunsil, o memba, o komiti bilong yu na ol i tokim ol gavman long mekim dispela pasin tu.

William Dui  
Mt. Hagen

## Tenpela Meri Nau

Dia Edita.- Mi lukim wanpela pasin nogut tru ol kaunsil i mekim long dispela kantri bilong yumi. Em ol dispela pasin ol i mekim olsem, olgeta kaunsila i maritim 2,3, o 4-pela meri tasol. Taim mipela i ilektim nupela kaunsil bilong yumi, em i winim ileksen na tingting bilong em i ting olsem, mi bikpela man tru. Mi ken baim 2, o 3-pela meri em i laik bilong mi. Ol i tingting olsem. Mi lukim planti kaunsila long Westen Hailans ol i gat 2,3, 4-pela meri.

Mipela i askim ol long ol i gat planti meri olsem, em i lo bilong husat. Mipela i askim ol na ol i tok mipela i bihainim lo bilong gavman. Ol i tok olsem na sarapim mipela. Mi ting em i no lo bilong gavman tru.

Em ol i giaman tru. Mipela i no makim ol long bungim 10-pela meri long haus bilong ol. Mipela i makim ol long kirapim wok bilong kaunsil long wok gavman na misin, lukautim ol pipel, skul, haus sik, ol rot, ol bisnis na stretim trabel na sindaun bilong ol pipel. Tasol dispela samting ol i no tingting, ol i tingting long 10-pela meri tasol. Ol i no tingting long kirapim dispela kantri i go het gut. Plis ol kaunsila yupela i mas traim lusim dispela pasin. Traim strong tru long kirapim kantri bilong yumi.

Sapos wanpela kaunsila i laik bekim pas bilong mi, rait i go long Wantok.

Alphonse N. Paliru  
Laiagam

## Wari Bilong Kristen

Dia Edita.- Mi laik askim yu na ol wanrita bilong yumi long Wantok long tingting bilong yupela long ol lotu bilong yumi, long Papua Niugini bihain long Independens.

Long tingting bilong mi, mi ting bambai ol i bagarap long ol man ol i laik wok pait long ol misin, olsem sampela man i wok long mekim nau. Ol i laik bambai ol misin ol i mas baim takis long ol kaunsila. Em i no stret tru long wanem em soim olsem yumi no onarim ol misin na yumi ken kisim samting bilong ol tu sapos yumi laik. Ol gut kristen pipel ol i wari long dispela samting.

William Bill  
Wes Nu Briten

## Laik Bilong Mi

Dia Edita.- Mi bekim pas bilong Leo M. Jima. Yu ting olsem wanem na yu rait long mipela ol meri maritim waitskin. Em i laik bilong mipela ol meri yet. Olsem mipela i laikim arapela kantri i kam insait long Papua Niugini, mipela i ken maritim ol.

Sapos yu laikim meri waitskin yu ken maritim ol. Em i olsem laik bilong mipela ol meri yet kirapim kantri go het. Yumi Papua Niugini i no gat inap mani, olsem na mipela ol meri laikim masta. God i no tambu long marit.

Misis Ga Tumun  
Minj.

## Sem Long Kago

Dia Edita.- Mi laik tok tenkyu tru, long yu brata B. Sammy, na N. Inang, long pas bilong yutupela. Mi amamas tumas long pas bilong yutupela. Dispela man tarangu ating em i dring planti olsem na em i longlong, ating tru hia. Mipela Is na Wes Sepik Distrik i sem tumas long tok bilong Matias Aliwan. Mi harim sampela i tok, em i tok olsem, ol waitman i pasim kago ol tumbuna i salim long mipela. Olsem wanem long dispela tok? Mi ting dring bilong waitman yet mekim em i spak. Ating em i no tingting liklik long pikinini bilong mipela i tarangu. Ol i traim, ol i laik mekim wok bilong Jisas, na sampela i kamap bruder, pater, sister. Na ol waitman i hatwok long

lainim ol long gutpela pasin. Yes mipela ol papa na mama bilong ol netif pater, bruder, sister, mipela i no mas gat kain tingting olsem.

Ating dispela tok i kirap, ol i sem tumas tu hia. Ol i ting ol pipel bilong mipela yet, ol i mekim dispela toktok. Ol waitskin pater i bosim netif bruder, na ol wait sister i bosim ol netif sister. Ol i hatwok tru long painim klos na kaikai. Mipela i no givim ol o halpim ol. I no tumbuna i salim dispela samting, i kam na ol i yusim na kaikai. Mi tok tru o giaman? Yu husat man yu ting em i no stret orait rait i go long Wantok.

Sella Sali  
Wewak

## Kilim Pikinini

Dia Edita.- Nau mi laik autim tingting bilong mi long ol meri. O yes ol wantok, mi bin lukim planti meri ol i save kilim pikinini long bel. Sori mi ting em i no gutpela pasin. Bikos yupela i brukim bikpela lo bilong God, na i olsem yupela i kilim man. Nating yupela i ting olsem. Sapos mipela i kilim pikinini, bai mipela olsem yangpela meri.

Sori nating yu no ting long help bilong yu long bihaintaim. Nau yu harim gut. Sapos yu gat sik o yu lapun pinis bai em ken was long yu. Traim na pulimapim man long ples bilong yupela.

Peter Kawol  
Rembi Madang.

# Niugini Nius

## Rabaul

Wanpela haiskul long Rabaul i gat nau wanpela nupela bikpela haus ol i kolim rum asembli. Dispela rum asembli i kostim samting olsem \$50,000. Ol papamama yet i redim dispela mani na givim i go long wokim dispela haus.

Wanpela nupela klap bilong ol meri ol i kolim Talalabui Women's Klap, ol i bin opim long mun i go pinis. Ol memba bilong dispela nupela klap i bin kam long Ulaulatava na Malaguna vi-les. Mani bilong membasip i 50¢ tasol.

Spika bilong gavman i tok 5-pela ofisa bilong welfe i bin kamap long dispela taim. Na ol i bin tokim ol pipel long planti pasin bilong lukautim na stiaim klap bilong ol. Ol i bin makim Misis Jessie Utul presiden, Misis Elda namba tu presiden, Misis Dorothy Maradi sekretari, na Misis Loina Pitok, Tre-sara.

Ol i orait long salim sampela meri long stap insait long miting bilong Nilai Ra Warden long 25 de bilong mun Jun long Memorial Hall long Rabaul.

Ol bosman bilong Malabunga Haiskul long Gazelle Peninsula i orait long baim wanpela plantesin klostu long skul bilong ol.

Dispela plantesin i bilong Mista Donald Barrett. Ol man hia i ting long askim Valuer-General o man bilong skelim gut graun na tok em inap hamas mani. Ol i ting tu long askim developmen beng long Papua Niugini long helpim long sampela mani.

Man bilong lukautim ol skul long Is Nu Briten, Mista George Harrington, i tok sapos skul i baim dispela plantesin, bai ol studen i lainim moa wok na kisim trening long wok didiman. Ol bai i salim kopra na putim mani i kam insait long skul bilong ol.

## Madang

Long Amenob haus kaun-sil long Madang, 16 meri i mekim wanpela kos inap tripela wik.

Misis Judi Willis i bin ranim na lukautim dispela kos.

Misis Willis i tok, long taim bilong kos, ol meri i bin lainim ol wok bilong lukautim gut klab, ol politik, helt, na pasin bilong lukautim ol famili. Ol i bin mekim lukluk raun long lukim ol faktori, na Binnen Bakery, na faktori bilong wokim ol sigaret.

## Nu Ailan

Ministerial memba bilong wok didiman, Mista Tei Abal, i tok bai dipatmen i salim ol samting bilong kilim ol rat long Tanga na Anir Ailan long Nu Briten Distrik long narapela tupela mun.

Em i tok, ol i ripot olsem ol dispela rat i wok long bagarapim olgeta samting long gaden long tupela ailan.

Wanpela marasin ol i kolim Warfarin ol i bin yusim bipo long kilim ol rat long Is Bougainville, bai ol i yusim gen long kilim ol rat long dispela tupela ailan.

## Wakunai

Em i namba wan taim wanpela lain pipel long hap bilong Wakunai long Bougainville i tingting long mekim didiman so long Papua Niugini Nesignal De long 13 de bilong Septemba.

Ol i askim namba wan gavman Mista L.W. Johnson, long kam long opim dispela so. Ol pipel bai i resisim ol samting bilong ol, long soim husat man i bin tru long mekim kamap gut tumas ol pikinini pik, ol kakaruk na planti arapela samting.

## Ramu Riva

Sosaiti bilong givim dinau mani long ol bikpela wok (world bank) i orait long givim dinau mani inap \$20 milion dola long helpim kirapim pawa stesin long het bilong Ramu Riva. Dispela pawa i save wok long strong bilong wara. Ol i kolim haidro lektrik pawa.

Dispela wok i kostim samting olsem \$30 milion dola na bai i givim lektrik pawa long ol taun i stap insait long Hailan na long hap bilong nambis olsem La, na Madang.

## Mendi

Wanpela kampani bilong Australia i save painim wel aninit long graun, ol i kolim Australian Petroleum Company, i bin tokaut long ol tingting bilong en long mekim hul i go insait long graun, long Sauten Hailan long hap bilong Papua. Hul hia bai i go daun inap long 6,000 fut.




Wanpela bikpela lain misis, ol i kolim Kantri Wimens Asosiesen bilong Papua Niugini, i bin mekim wanpela resis. Ol skulboi na skulmeri i mas wokim wanpela piksa long yet bilong helpim tingting bilong ol man long lukautim bai ples na taun i klin oltaim. Em hia tupela piksa i win.

Piksa antap em i bilong Thomas Johns. Em i gat 8-pela krismas tasol na i bilong Vanimo Praimeri Skul.

Piksa daunbilu em i bilong Lynette Melville bilong Port Moresby Haiskul. Em i gat 13 krismas.



# OLGETA HARIM GUT!




Dispela sop pauda, ol i kolim "COLD POWER" i nambawan tru. Em i wasim na rausim tru ol kainkain pipia long ol klos bilong yu.

Dispela sop pauda i gat wanpela kain strongpela marasin long en i save mekim save tru long rausim ol kain pipia – long ol klos.

Yu ken usim wara long tang or long wara nating. Dispela i kol wara. Sop "COLD POWER" i strong moa na i ken rausim ol pipia long klos bilong yu.

# YUNAITET NESENS I TOK - YES AUSTRALIA I TOK - YES GAVMAN I TOK - YES OL PAPUA I TOK - NOGAT OL NIUGINI I TOK - ?

Long dispela miting bilong Haus Asembli nau tasol i pinis, Mista V.B. Counsel, memba bilong Westen na Galp Distrik, i tok ol Papua i no laik bung wantaim ol Niugini nau. Em i tok ol Papua memba bilong Haus Asembli i bin askim ol pipel bilong ol na liklik lain tasol i laik insait wantaim Niugini.



Mista Counsel

"Mipela i no laikim independens nau. Sapos mipela i laikim, orait mipela bai tokim yu."



Namba wan gavman, Mista Johnson, i tok gavman bilong Australia na gavman bilong Teritori tu i laikim tumas Papua tupela Niugini i go het kisim selp gavman na independens wantaim. Lain bilong Yunaitet Nesens i lukluk raun pinis, em tu i tok tupela kantri i mas go het wantaim long

kisim independens.

Tasol Mista Counsel i tokim Haus Asembli olsem, Papua em i teritori bilong Australia stret na i no bilong Yunaitet Nesens. Olsem na ol Papua i laik save Australia i laik mekim wanem samting long Papua. Em i skruim tok i go olsem: "Austra-




Mista Newman

"Em i laik bilong ol pipel yet, wataim ol i laikim selp gavman na independens."



Mista Oala Oala-Rarua

"Australia i laik trikim Papua, bai em i laikim ol samting Niugini yet i laikim."



lia i bin tokim mipela, em i samting bilong mipela yet, long wanem taim mipela i laik kisim selp gavman na independens. Taim mipela i laik kisim, orait mipela i mas askim tasol. Orait. Na mipela i no bin askim wanpela samting long Australia yet. Mipela i no bin askim Australia long bungim mipela wantaim Niugini. Nogat." (I olsem: bilong wanem ol i subim mipela?)

Mista Oala Oala-Rarua, memba bilong Sentral Distrik, i tok olgeta taim ol Papua i bin askim gavman bilong Austra-


lia, bai Australia i mekim wanem samting long Papua, gavman oltaim i bekim tok i spik: Papua na Niugini i mas go het wantaim.

Mista Oala Oala-Rarua i tok Niugini i bin kisim planti mani bilong helpim olkain wok bilong en, na Papua i kisim liklik hap tasol.

Namba tu gavman, Mista Newman, i tok em i lo na laik bilong gavman bilong Australia long helpim tupela Teritori i go het wantaim. Planti taim moa gavman bilong Australia i bin tok, selp gavman na independens i hangamap tasol long laik bilong ol pipel. Em i samting bilong ol.

Sori, nau ol tingting i paul nabaut. Niuspepa WANTOK long Desemba yet i bin raitim wanpela stori na i askim bai Papua i mekim wanem samting? Bai Papua i go we? Long dispela taim mipela i bin rait olsem: "Bipo yumi orait long wanpela nem na wanpela plak na wanpela mak, yumi mas orait long WANPELA KANTRI. Sapos nogat, yumi longlong. Yumi olsem man i putim nem long pikinini na pikinini i no kamap yet."

Orait, nau yu ting wanem: tok bilong WANTOK i kamap tru o nogat?




WIL BALUS BILONG

# ANSETT

YU LAIK FLAI LONG WANEM HAP  
ANSETT I HEPI LONG KARIM YU I GO

Ansett I Gat Olkain Balus  
Smok Balus Tri Ensin Tu Ensin Wan Ensin



We're inaugurating new services all the time. Like our new daily services to Kieta (Bougainville). And now we've made application for the right to fly direct to the American-owned island of Guam. Our fleet of modern aircraft has been increased by the addition of the brand new Twin Otter 300 series. Our staff is continually increasing and so are our world-standard facilities. In every way Airlines of Papua-New Guinea is truly representative of the vigorous growth of the Territory. Together, we're really going places.

**ANSETT AIRLINES OF PAPUA NEW GUINEA**  
in conjunction with Ansett Airlines of Australia.

# SELP GAVMAN 1972 - 1976 - - -

Lain lukluk raun bilong Yunaitet Nesens i bin ripot long Kaunsil bilong ol Teritori i spik, Niugini i mas kisim independens tru namel long yia 1976 na 1980.

Ol 4-pela man bilong Yunaitet Nesens, wantaim pesman bilong ol Sir Denis Allen bilong Englan, i bin lukluk raun inap 5-pela wik long Papua na Niugini long bigin bilong dispela yia 1971.

Em hia sampela tingting bilong ol bihain ol i bin lukim na harim olkain samting pinis:

---

## MOA STRONG LONG MINISTERIAL MEMBA

Ol i ting pasin bilong givim moa moa strong long ol ministerial memba i go het gut. Ol i tok yumi mas go het tu long kain pasin insait long dipatmen bilong ol kiap na ol bisnis.

---

## PLANTI POLITIKAL PATI

Yumi mas givim gutpela skul long ol politikal pati long pasin bilong kisim memba long olgeta hap bilong kantri, na i no long wanpela hap tasol. Sapos i no gat sampela ol politikal pati, bai kantri i no strong.

---


## OL LOKAL GAVMAN KAUNSI

Ol i ting lokal gavman kaunsil i ran gut tasol i no bung tumas wantaim ol kiap. I mas gat wanpela bris bilong bungim tupela. Olsem ol i ting dispela pasin bilong bungim ol lokal gavman kaunsil insait long wanpela distrik insait long wanpela bikpela kaunsil bilong em stret, em i gutpela samting tru.

---

## HOLIMPAS GUTPELA OFISA

Kantri i mas kirapim wanpela pasin bilong baim gut na holimpas ol Australian Ofisa i save tumas long helpim kantri na i stap longtaim pinis long dispela wok. Na kantri i mas mekim gut tu long ol arapela i mekim planti gutpela wok na nau ol i pinisitaime.



Wanpela lokal didiman ofisa i pomanim lida bilong Yunaitet Nesens Misin taime ol i kamap long yia 1971. Hia ol lukim stesin didiman long Kabwum klostu long Lae.

---

## BISNIS I GUT

Bisnis long Niugini i go het gut, long wanem planti mani i kam insait helpim kantri na ol man i wok bisnis.

---

## MOA LOKAL BISNIS

Kopi em i namba wan bisnis tru bilong ol lokal pipel. Ol i mas skul long pasin bilong grisim graun bilong ol. Ol i mas lainim tu long pasin bilong wok somil na long pulim planti pis. Niugini i gat planti diwai na planti pis.

---

## BOUGAINVILLE

Long Bougainville ol i mas lukaut bai i gat sampela nupela kain wok bilong helpim ol 7500 wokboi bai i pinistaim sapos ol woksap i redi. Dispela kantri i mas kisim gut save long pasin bilong winim mani bilong em yet. Inap nau ol arapela kantri i mas helpim em tumas. Em i nogut.



# — — INDEPENDENS 1976 - 1980

## HELPIM SKUL LIVA

Ol i laik gavman i wokim ol praimer i skul long olgeta hap bilong kantri. Ol i tok: lukaut yupela i skulim gut ol sumatin i no inap go long haiskul, bai ol tu i ken painim wok na go het.

Ol haiskul i mas go het, na ol vokesenel na teknikal skul tu.

## PINISIM MALARIA

Wok bilong dipatmen bilong helt, i olsem marasin na haus sik, long dispela kantri i gut tru. Yupela i mas strong yet long rausim sik malaria.

I no gat bikpela trabel namel long waitskin na blakskin. Skruim dispela gutpela pasin i go.

Planti pipel i save raun nabaut planti; dispela pasin bai i kamapim planti trabel. Lukaut!



Em hia ol memba bilong Yunaitet Nesens i bin lukluk raun long Niugini: (Kirap long lephan) Mista Charles Wyse bilong Sierra Leone, Mista Adnam Raof bilong Irag, Sir Denis Allen bilong Englan, na Mista Paul Blanc bilong Frans.

## LAIKIM SELEK KOMITI

Ol man bilong Yunaitet Nesens i orait long ol tingting bilong Selek Komiti.

## REDIM KANTRI

Ol pasin politik i go het hariap nau na olsem ating planti man i laikim selp gavman i kamap namel long ol yia 1972 na 1976. Olsem tasol nupela Haus Asembli i mas redim kantri long dispela pasin bilong selp gavman.

## ARERE BILONG AUSTRALIA

Yunaitet Nesens i ting tu em i gutpela sapos Australia i stretim tok bilong arere bilong em wantaim long Papua. Long sampela hap em i kamap klostu tumas long nambis bilong Papua.

KRISTEN PRES i wokim kain kain buk bilong strongim bilip na bilong sanapim gutpela pasin na sindaun na bel isi bilong ol manmeri na ol pikinini.

Nau yu ken baim dispela buk:

## Sotpela Lotu Bilong Helpim Yumi, Buk 3

Dispela buk i gat 65 sotpela lotu bilong sampela tok i stap long Nupela Testamen. Sampela tisa i wokim planti gutpela tok bilong skul na famili na kongrigesen.

Salim oda i go long:



# KRISTEN PRES

Sales Division  
The Christian Book Centre  
Box 222, Madang

## Planti pipol oli askim

Tutt Bryant emi gat wonem samting long stoa bilong ol.

Emi gat planti kain masin nou sperpat long en tu. Nou hia yu lukim sampela mipela igot long stoa long mipela. Sapos yu laikim arapela samting bai yu askim long stoa long mipela long wonem TUTT BRYANT igat planti samting long ol masin, moto nou arapela samting. Em hia mi kolim sampela tasol mipela.

ALLIS CHALMERS (earth moving equipment)	LIGHTBURN (cement mixers)
APAC (lift gear)	LINCOLN WELDERS
AVIS RENT-A-CAR	KAWASAKI OUTBOARDS
BEDFORD (trucks)	KITTEN (automotive products)
BROOMWADE COMPRESSORS	MERCURY OUTBOARDS
CARIBBEAN BOATS	MICHIGAN LOADERS
DAHATSU	MONROE-WYLLIE AUTOPARTS
DUFFIELD HOSES	ONAN (engines and generator sets)
EQUIPMENT INVESTMENTS (hire purchasing and leasing facilities)	PACIFIC-ACE EQUIPMENT
FIAT TRACTORS	PACIFIC PUMPS
FIRESTONE TYRES	P.E.P. (automotive products)
GENERAL MOTORS HOLDEN	PERKINS DIESEL
GENERAL MOTORS (diesel)	PHOENIX ASSURANCE
HEALTHWAYS DIVING EQUIPMENT	SMITH'S INSTRUMENT
HOWARD (Agricultural)	SUZUKI MOTOR CYCLES
I.S.S. (safety equipment)	VOLVO-PENTA (marine engines)
	YANMAR DIESEL
	YOKOHAMA TYRES



Tutt Bryant Pacific Limited

BRANCHES: PORT MORESBY, LAE, GOROKA, MADANG, RABAU, KIETA  
AGENTS: MT. HAGEN, WEWAK, HONIARA (BRITISH SOLOMONS)  
WRITE: P.O. BOX 326, PORT MORESBY, T.P.N.G.

# helpim bisnis bilong yu

Kain bisnis poroman olsem i no ken i gat moa olsem 20 pipel i putim mani i go insait. Na em i gutpela pasin tu, taim ol man hia i bung long kamapim wanpela bisnis, bai wanpela kuskus i raitim gut wanpela wanpela poroman i mas mekim wanem samting insait

long bisnis; na wanpela wanpela bai i kisim hamas win mani.

Pasin bilong dispela kain bisnis em i olsem; sapos em i ran kranki, bai wanpela wanpela poroman i mas helpim arapela...Hevi i pundaun antap long olgeta wantaim. Tupela o tripela man inap lusim olgeta mani bilong ol bikos wanpela poroman bilong ol i bagarapim bisnis ol olgeta.

Olgeta man i laik statim bisnis i mas save gut tumas tupela samting: bisnis i mas mekim kamapim win mani, o profit.

Narapela samting: Olgeta bisnis i mas i gat wanpela man i save gut long mekim wok kuskus insait long bisnis. Planti bisnis tumas long Niugini i pundaun long wanem ol bisnismen i no

save gut long dispela tupela as tok bilong ol bisnis.


Planti taim tumas wanpela bisnis i kirap bilong givim biknem long papa bilong bisnis, em tasol. Kain bisnis olsem i no longtaim bai i pinis.

Sampela pasin bilong Niugini inap bagarapim pasin bilong bisnis. Olsem pasin bilong givim nating samting long ol kandere na wantok. Bisnis i no gat dispela tingting. Long bisnis olgeta manmeri i mas baim ol samting, maski husat. Yu laik kirapim bisnis, yu mas kisim nupela pasin.

Planti pipel i bin kamapim bisnis na i winim planti mani pinis. Arapela planti pipel i lusim pinis ol mani tasol. Olsem mobeta yu laik kirapim bisnis yu askim pastaim:


- Mi gat inap mani?
- Mi save tru long pasin bilong bisnis?
- Mi inap laikim ol nupela pasin?

Sapos yu inap yes long ol dispela askim, orait, yu go lukim lokal bisnis ofisa bilong yu. Em inap helpim yu. Em tasol.



Ol man long Rabia Viles long Port Moresby i kirapim gen ol nupela haus. Ol olpela haus i bruk pinis na nau ol i wokim gen nupela haus.

# Takis



I no longtaim bai kaunsil i stat gen long kisim takis long ol wan wan manmeri i stap insait long banis bilong ol. Dispela wok long kisim takis em i bikpela wok tru na planti man i gat kain kain pasin bilong sakim dispela wok. Sampela i save hait long ai bilong ol kaunsil. Sampela i giaman na i tok, "Mi no gat wok, olsem mi no ken baim takis". Sampela i tok, "Mi sik planti, olsem mi no ken baim takis". Arapela i tok, "Mi no gat mani, olsem wanem mi ken baim takis". Sampela moa i tok, "Mi laik kisim senis". Ol planti kain tok olsem i save kamap long maus bilong ol man.

Sampela lain moa ol i tok olsem, "Bilong wanem yumi mas tromoi bikpela mani long baim gavman. Em i no mekim planti wok

long helpim mipela." Ol i tok olsem, "Mi no lukim wanpela wok i kamap insait long ples bilong mi, orait mi no ken baim takis". Ol planti planti kain tok olsem i save pairap long maus bilong ol na ol i save pasim wok bilong kaunsil na ol kaunsil i westim taim nating long raunim ol man na kotim ol.

Tingting bilong yumi ol YC lida i olsem. Selp-gavman i klostu tru nau. Taim bilong trik, hambag long gavman i pinis. Bilong wanem? Gavman em i bilong yumi. Ol wok bilong gavman i kamap long helpim sindaun bilong yumi ol pipel bilong Niugini. Ol gavman tasol i ken pinisim ol pait, kros, bek-

im hia long Niugini. Sapos gavman i no ran gut, sapos gavman i pundaun na i sot long mani, orait yumi painim planti kain kain trabel insait long ples na ol man i no inap sindaun gut.

Yumi stap long taim bilong selp-gavman. I olsem, yumi yet i mas karim ol hevi bilong gavman. Yumi gat lida, ol kaunsil na Haus Asembli Memba, orait yumi mas givim mani long ol bilong raunim ol dispela wok bilong plis, dokta, didiman, PWD, edukesen na ol kain kain wok olsem. Sapos takismani i no kamap gut, bai ol dispela wok tu i no ken ran gut. Nogat tru. Sapos i no gat pe bilong baim ol man bai ol ranwe na yumi lus.

Gavman em i samting bilong yumi olgeta man. Gavman i olsem papa bilong yumi. Em i was long olgeta samting. Yumi no save trik o giaman long papa tru bilong yumi. Bilong wanem? Em papa

bilong yumi. Orait, yumi no ken trik o giaman long ol gavman. bilong wanem? Em i papa bilong yumi tu. Yumi mas bihainim tok bilong ol olsem yumi bihainim tok bilong papa.

Olsem redi gut nau long putim mani long baim takis. Yu no redi long wokim eskus, o redi long askim ol long kisim senis. Yu redim mani tasol na taim ol i singautim takis, yu ken go kwik na pinisim dispela wok. Sapos yu mekim olsem, yu bihainim ol dispela skul Aposel Pol i givim long ol lain bilong em taim ol i askim em long dispela samting bilong putim takis.

Pol i bekim tok olsem: Gavman em i wokman bilong God, bilong helpim yu na yu stap gut.... Bilong dispela tasol yupe-la tromoi takis. long wanem: Ol gavman i stap olsem wokman bilong God, na oltaim ol i strong long lukautim dispela wok tasol. (Rom. 13)

Olgeta tok  
i stap long dispela niuspepa  
ol i bin paitim pastaim  
long wanpela masin bilong rait,  
nem bilong em. . .

# Olympia

TERRITORY AGENTS

## BRECKWOLDT & CO. (N.G.) PTY. LTD.

PORT MORESBY  
P.O. Box 1549, Boroko.

MADANG  
P.O. Box 185.

LAE  
P.O. Box 557.

RABAU  
P.O. Box 222.

MT HAGEN  
P.O. Box 237.

WEWAK  
P.O. Box 178.

KIETA  
P.O. Box 72.

# Nupela Haus Kaunsil

Mista Kaibelt Diria, namba tu ministerial memba bilong lokal gavman na wantaim memba bilong Waghi Open bilong Hailans, i opim pinis nupela haus kaunsil bilong Mekeo tupela Kairuku long ples Bereina, saming olsem 70 mail longwe long Port Moresby.

Dispela nupela haus kaunsil i gat bikpela rum kibung wanpela wanpela ofis bilong wanpela wanpela kaunsila, wanpela haus kuk, na toilet.

Na tu insait long haus hia i gat ol bikpela propela bilong winim win, i gat lektrik, na bokis ais, na stov bilong kuk wantaim gas. Em

i winim tru ol arapela haus kaunsil.

Mista Diria i tok amamas long ol kaunsila bilong Mekeo na Kairuku na i tok ol arapela ples i mas bihainim pasin bilong ol. Ol i bilong narapela narapela ples, tasol maski ol i wok wantaim na saming tru i kamap.

Mista John Guise, spika bilong Haus Asembli, em tu i stap na em i strong long tok olgeta manmeri bilong Papua wantaim Nu Gini i mas wok long kamapim wanpela kantri tasol.

Bihain ol pipel i mekim bikpela kaikai na bikpela singsing moa.



Presiden Bera Baupua bilong Kairuku Lokal Gavman Kaunsil i holim wanpela klok ol Kaunsila bilong Is Kerema Kaunsil i bin givim em.



Ol man i singsing amamas long pesto bilong opim nupela haus kaunsil bilong Mekeo-Kairuku.

WANTOK - Trinde, Jun 16, - Pes 12



Namba wan gavman, Mista L. Johnson, i kamap long bikpela pesto bilong opim nupela haus Kaunsil.



# world news

## explosions rock communications

**LISBON:** In one of two bomb explosions in Portugal recently, saboteurs knocked out Lisbon's communications network, severing all foreign links a few hours before a conference of NATO (North Atlantic Treaty Organisation) foreign ministers began.

One of the bomb blasts tore out the main cables underneath the central communications office and brought teleprinter, telex and telephone services to a standstill.

A few hours later, the saboteurs struck in the industrial town of Sacavem, just outside Lisbon, where an explosion damaged a power station and cut supplies to some areas.

Government officials immediately blamed Communist elements which have been against holding the NATO conference in Lisbon.

## film star buried

**WASHINGTON:** Audie Murphy, the baby-faced warrior who became America's most decorated soldier in World War 2 was buried last week with full military honours at Arlington National Cemetery.

Murphy, later became one of the most popular stars of western movies many of which have been seen in the Territory.

He died when the small plane which he had chartered crashed against a wooded mountainside near Roanoke, Virginia.

## war canoes will attack

**PT. MORESBY:** War canoes would attack Japanese fishing boats if the Administration allowed them to continue to fish near the Gazelle Peninsula, an M.H.A. has warned.

Mr. Oscar Tammur (Kokopo) was speaking outside the House of Assembly.

He said that village people who relied on fish as their main diet and source of income nearly launched their canoes against the Japanese fishing boats two weeks ago.

The Director of Agriculture, Stock and Fisheries, Mr. W.L. Conroy, said he would order an investigation into the claims.



The acting District Superintendent of schools for Milne Bay, Mr. Mata Tau, is at present in Canberra attending a two month international training course in Development Administration.

Mr. Tau from Kapakapa Village in the Rigo Sub-District was provisionally promoted to the position of acting District Superintendent at the beginning of the year.

## 5m. refugees in india

**NEW DEHLI:** The influx of East Pakistani refugees into India is nearing five million.

Meanwhile, cholera on the border areas threatened to engulf Calcutta, the squalid capital of West Bengal State.

Highly informed sources in Calcutta said last week that the death toll from the disease was over 8000.


Twelve new cases have been reported since then at the big refugee camp beside Calcutta's Dum Dum Airport on the outskirts of the city, bringing the number of victims of the disease at the camp to around 100.

## six teenagers shot in n.z.

**WELLINGTON:** Police are searching for an armed man who shot six teenagers early today in the main street of Wellington, New Zealand's capital.

Police said a young man with blond shoulder length hair fired on a group of teenagers outside a coffee bar with a .22 repeating rifle. When six fell wounded he drove off in his car.

The six wounded including two girls are in a satisfactory condition.



Isaac Pasingan operates a stereo plotter of the type he will train others to use on his return home this month. By then, he will have spent three months gaining experience with the Topographic Squadron of the Army's Survey Regiment at Bendigo, Victoria.



# BUK PISIN

MIPELA I GAT OLKAIN  
BUK LONG TOK PISIN.

## ARCH BUK

4-pela liklik buk  
4-pela Baibelstori  
ol piksa tasol  
ol kala tasol

Rait Long

**WEWAK CHRISTIAN BOOKSHOP**

Box 169. Wewak.



Yu gat gutpela ai, laka? I gat 12-pela samting i arakain long dispela 2-pela piksa. Painim....



MODERN CANE FURNITURE - PANGAL WOVEN BLINDS

SEE

MANAGER NATIVE CANE INDUSTRY, PES AITAPE, WSD

Pes Native Cane Industry i wokim kain kain sia na tebol na pangal blind bilong rum insait



CHAIRS:-bar stool with cushion, dining chair, small arm chair (can be stacked for transport) one cane easy chair, two cane easy chair, high backed arm chair (can be stacked for transport).

TABLES:-Little coffee table, 30"round table.

## Kaunim Ol Man Long Mun Julai

Hamas manmeri i stap insait long Papua Niugini? Hamas man i wok long kisim pe long Madang Distrik? Hamas manmeri long Teritori i save tok pisin? Yu inap bekim ol dispela askim? Ating...

Orait, i gat planti man long gavman i laik save toktok bilong ol dispela kwesten. Olsem bai ol i ken redi long gutpela wok. Olsem bai ol i ken mekim kantri i go het gut. Sapos Dipatmen bilong Edukesen i save hamas pikinini i stap long wanpela hap, em inap save hamas skul bai i mas wokim.

Orait, long mun Julai bai planti sumatin bilong ol haiskul na koles i raun nabaut kaunim ol meri pikinini na askim olkain samting long ol

papamama. Bai ol i raitim ol samting na salim i go bek long wanpela dipatmen bilong gavman long Port Moresby.

Nogat ol man i pret na i ting gavman na ol plisman i laik kisim olkain save bilong kotim sampela man o bilong apim takis tasol. Nogat tru. Ol man bilong takis na ol plisman bai ol i no lukim dispela ol pepa. Ol i bilong gavman stret.

Wanpela samting yet. Las taim planti man i no save ol i gat hamas krismas. Yu askim mama bilong yu, em i karim yu long wanem yia bai yu ken tokbek gut.

Em tasol....yumi olgeta i wok long painimaut planti samting bilong ol pipel bilong kantri bilong yumi.

# Kaunsil Mus

## Nu Hanova

Lavongai kaunsil bai askim gavman long orait long 3-pela samting ol i laik mekim. Em hia:

Mekim wanpela nupela kaunsila bilong tupela viles Vaisavamvam na Kiting; bai namba bilong ol kaunsila i kam inap long 25. Ol i laik seni-sim sampela arere bilong ol wot. Na ol i laik bai i gat ileksen olgeta 3-pela yia, na i no olgeta 2-pela yia.

## Manus

Ol Manus kaunsil i laik memba bilong ol, Mista Paliou Maloat, i mas askim Haus Asembli bilong wanem ol Westen Ailan i bilong Sepik Distrik na i no bilong Manus Distrik. Ol Manus i laik helpim pasin bilong ol man bilong Nini-go bilong painim mani.

Ol man hia i laikim bai ol bikpela balus i bungim Manus wantaim ol i kolim Guam. Olsem bai planti man moa i kam lukluk raun long Manus.

## Lavongai

Kaunsil hia i dinau long \$9,000 long Rural Developmen Beng bilong mekim 3-pela wok:

Pinisim wok long Narinlawa Bris.

Pinisim rot namel long Mataniu na Ranmelek.

Wokim nupela rot namel long Ramelek na Naukaputuk.

Kaunsil yet bai i putim sampela mani bilong en i go long dispela olgeta wok tu. Na em i hop bai ol pipel yet i in-

sait tu long ol dispela wok.

Ol i wetim \$26,000 dola bai i kamap long dispela yia.

## Bougainville

Wakunai Lokal Gavman Kaunsil i hepi tumas planti pipel bilong ol i vot long ilektim 14 nupela kaunsila. Mista John Kungkam, wanpela lokal bisnismen, em i presiden wantaim moa. Vais Presiden em i Mista Simon Pute.

## Kandrian

Kaunsil hia i laikim gavman na misin tupela wantaim i wok long kirapim wanpela haikul bilong skulim ol 255 sumatin bilong dispela hap. Ol i askim Gloucester Kaunsil long helpim ol tu; tasol dispela kaunsil i makim pinis ol mani bilong dispela yia.

## Mendi

Kaunsil hia i bin makim inap \$43,000 bilong wokim nupela haus kaunsil. Dispela haus bai i gat bikpela rum kibung na olkain ofis bilong ol kaunsil na ofisa. Ol mani kaunsil hia i dinau long ol beng.

## Port Moresby

Tupela kaunsil ofisa bin kam bek long wanpela lukluk raun long ol sampela kaunsil long hap bilong Sidni. Wanpela man hia, nem bilong em Mista Wilford Kodiwa,

em i man bilong Milne Bay tasol em i wok long Amenob Kaunsil long Madang. Narapela man, Mista Nicholas Topirpir, em i wanpela Tolai tasol em i wok long Henganofi Kaunsil klostu long Goroka.

Presiden bilong Port-Moresby taun kaunsil, Mista Oala Oala Rarua, i mekim kol bel bilong ol man long Hiri Kaunsil i bin kam insait long taun kaunsil bilong Port-Moresby. Ol man hia i pret nogut Moresby Kaunsil nau i kisim main bilong ol Hiri na putim long poket bilong en yet. Mista Ola-Rarua i tok em i no tru. Mani hia i ken indai long Hiri tasol; na ol Hiri i ken makim bilong wanem wok ol i laik mekim.

Long namba wan miting bilong en, nupela taun kaunsil bilong Port Moresby i laik bai Haus Asembli i orait long Moresby i kamap biktaun tru o siti.

## Mt. Hagen


Kaunsil hia i bin baim 200 sea long Bougainville kopa. Wan wan i kostim \$1.55.

Wanpela kaunsil inap baim 10,000 sea long dispela kampani sapos em i laik.

Ol boi bilong Standet 6 long Jimi Pramereri Skul bai i skul long pasin bilong makim ol nupela rot.

Jimi kaunsil i bin baim 6-pela kompas bilong glasim ol rot.

# HARIM!



Yu laikim nambawan kain piksa i klia long kamera bilong yu? Orait, yu mas salim ol film bilong yu i go long Rabaul Photographic bai ol i wasim na prinim piksa. Yu putim wan dola insait long skin pas wantaim film na salim nau tasol i go long:

## RABAU PHOTOGRAPHIC



P. O. Box 164, RABAU

## KLASIFAIT

PABLIK NOTIS

**YU SAVE** gutpela rot long wokabaut bilong yumi long olgeta de? Sapos yu laik kisim nating dispela buk, salim pas long Booklet, Box 1096, Boroko.

Wantok Publications,  
P.O. Box 298, Wewak, i wokim, na Wirui Pres long Wewak i prinim.



Sapos  
 yu  
 laik  
 kisim  
 niuspepa  
 WANTOK  
 yu  
 mas  
 salim  
 dispela  
 hap  
 niuspepa  
 i  
 kam  
 bek  
 wantaim  
 \$4  
 (foa  
 dola).

Sapos yu laik kisim  
 niuspepa WANTOK  
 yu mas salim dispela  
 hap niuspepa i kam  
 bek wantaim \$4 (foa  
 dola).  
 Adres bilong mipela  
 em hia:  
 WANTOK PUBLICATIONS  
 INC.,  
 P.O. BOX 298, WEWAK.

NEM BILONG YU HIA:

ADRES BILONG YU HIA:


# FOA DOLA

sapos yu salim \$4 (foa dola)  
 bai mipela i salim WANTOK  
 long yu inap long

# WAN YIA

Sori, mipela i mas apim prais bikos ol i apim prais bilong salim ol pas.

6-pela taim.....1.00	18 taim.....3.00
12-pela taim.....2.00	24 taim.....4.00



## FOA MANI LONG WOKMAN

Asembli i bin orait long ol  
 1000 wokman bilong lain i mas  
 im moa pe. Long yia 1971 ol i  
 kisim \$11.80 long foatnait  
 os ol i wok mani stret. Bihain  
 pe i go antap moa yet.  
 Tu ol man o ofisa i pinis-  
 im long gavman i mas kisim moa  
 malolo o pe lip. Man i mas gat  
 krismas o wok wantaim gavman  
 ap 35 yia bilong kisim pe lip.  
 Wokman tu i strong ol bisnisman  
 mas skulim moa Niuginian long  
 sin bilong ranim bisnis na ki-  
 pim bisnis bilong ol yet.



Ista Toua Kapena, ministerial memba  
 long bosim ol wok, i toktok wantaim  
 mipela wokman long ti faktori long  
 djip long Hailana  
 Ista Naason Paulias, hetman bilong  
 geta skul long Is Sepik Distrik, i  
 vim setifikot long tisa Michael  
 i keke bilong Aitape.

19,841 Pinisim  
 Standat 6  
 Pop i Kam  
 Lukim

